

Ilinniarnertuunngorniarfimmi angusimasanik
ilinniarnermut allamut nuussisarneq allatullu
atuartitsinermut peqataannginnissaq pillugu
Namminersorlutik Oqartussat nalunaarutaat

Ilinniarnertuunngorniartarneq pillugu Inatsisartut inatsisaanni nr. 13, 22. november 2011-meersumi § 40, imm. 5 naapertorlugu aalajangersarneqarpoq:

Nassuaatit

§ 1. Angusimasanik ilinniarnermut allamut nuussineq nalunaarummi matumani tassaatinneqarpoq ilinniartup ilinniarneruntuunngorniarfimmi piffissap ilinniagaqarfiusup ilinniartuuffiusullu ilaani peqataanngissinnaatitaanera. Angusimasanik ilinniarnermut allamut nuussinikkut soraarummeernermit misilitsissummut ataatsimut arlalinnulluunniit peqataangitsoortoqarsinnaavooq.

§ 2. Atuartitsinermi angusimasanik ilinniarnermut allamut nuussisinnaanissamut tunngavissiisumi pineqarpoq,

1) fagini ilinniarnertuunngorniarfimmi atuartitsiviusuni allanilu ilinniarnertuunngorniarfinni ilinniagassatut pilersaarutit pillugit Namminersorlutik Oqartussat nalunaarutaat naapertorlugu ingerlanneqartuni faginilu allani kalaallit danskilluunniit oqartussaausuinil ilinniarnertuunngorniarfinni qaffasissutsinut A, B-mut C-mulluunniit inissinneqarsimasuni atuartitsineq.

2) nunat avannarliit arlaannit Savalimmiuniillu aamma Ålandimit ilinniarnertuunngorniarfinni atuartitsineq. imaluunniit

3) fagini ingerlataanilu allani nr. 1-imi 2-milu taaneqartunit allaanerusuni atuartitsineq, tamatumani Naalakkersuisut rektorimit tamatuminnga inassuteqartoqarneratigut suliatigut tunngaveqarluni taamatut aalaijangiippata.

Imm. 2. Atuartitsineq pineqartoq ilinniarnertuunngorniarfinni qaffasissutsini A, B-mi C-miluunniit inissismareersimanngippat Naalakkersuisut rektorimit tamanna pillugu inassuteqartoqarneratigut pisariaqartinneqarpat suliatigut tunngaveqarluni inissiisinnapput.

Angusimasanik ilinniarnermut allamut nuussisinnaanissamut piumasaqaatit

§ 3. Ilinniartoq fagimi ilikkagassatut anguniagaasunik tamakkiisumik ilaannakortumilluunniit naammassinnifflusumik suliatigut piginnaasaqalersimasoq rektori naliliippat qinnuteqartoqarneratigut angusimasanik ilinniakkamut allamut nuussinissaq rektorimit akuerineqarsinnaavoq, takuuk § 2.

Imm. 2. Angusanik ilinniakkamut allamut nuussinissamik qinnuteqarnermut tunngavissiisuusunik ingerlataqarsimanermut uppernarsaatnik pisariaqartinneqartunik, taakkununnga ilanngullugit

siusinnerusukkut atuartitsinermit uppernarsaatnik atsiorernillu saqqummiussinissaq ilinniartup akisussaaffigaa.

§ 4. Angusimasanik ilinniarnermut allamut nuussisoqarsinnaavoq tamakkiisutut, ilaannakortumik imaluunniit taarsiissutitut nuussinertut.

Imm. 2. Faginut angusimasanik ilinniarnermut allamut nuussinissamik qinnuteqarnermi tunngavigneqartunut malittarisassat naapertorligit ilinniartup fagimik pineqartup assinganik taamatulli, imaluunniit ilinniarnerntuunngorniarfinni qaffasinnerusumik naammassinnissimaguni angusimasanik tamakkiisumik nuussinissamut akuerineqarsinnaatitaavoq, taamaattorli takuuq § 13, imm. 2.

Imm. 3. Ilinniartoq fagimi ilikkagassatut anguniakkanik tamakkiisumik ilaannakortumilluunniit naammassinnissimalluni suliatigut piginnaasaqalersimappat angusimasanik ilinniarnermut allamut ilaannakortumik nuussisoqarsinnaavoq.

Imm. 4. Taarsiissutitut angusimasanik ilinniakkamut allamut nuussisoqarsinnaavoq ilinniartoq fagimik allamik fagimilluunniit allatut taasamik taamatulli imaluunniit qaffasinnerusumik, ilinniakkami siunertamut tunngasuni fagimut peqataanngiffigisassatut aaqqinneqartumut taarsiunneqarsinnaasumik naammassinnissimappat. Angusimasanik faginut kalaallisut, danskisut, tuluttut matematikkimullu, kiisalu ilinniartitaanermi suliassamut taarsiissuteqarnikkut nuussisoqarsinnaanngilaq.

§ 5. Ilinniartup tunngaviusumik ingerlataqarneq siusinnerusukkut naammassisimappagu ilinniartoq tunngaviusumik ingerlataqarnermi peqataanngiffusussamik angusimasanik ilinniakkamut allamut nuussisinnaatitaavoq, taamaattorli takuuq § 13, imm. 2.

Imm. 2. Ilinniartunut ukiumik ilinniarfiusumik kingullermik aallaqqaataaneerisunut ilinniartunullu ilinniakkamik qimatsinerup kingorna ilinniartitaanermut akuerineqartunut angusimasanik ilinniarnermut allamut nuussisinnaanermik rektori killilersuisinnaavoq. Ilinniartup suliatigut pisariaqartitai aallaavigalugit ilinniarnermillu ingerlatseqqinnerup naapertuutumik ataqtigiisumillu aaqqissuunneqarnissaa aallaavigalugu killilersuineq aalajangersaavagineqassaaq.

Angusanit ilinniarnermut allamut nuussinerup inatsisitigut sunniutai

§ 6. Angusanik ilinniarnermut allamut tamakkiisumik nuussinerup ilinniartup fagimi ataatsimi atuartitsinermk tamarmiusumik peqataannginnissaa fagimillu naammassinninnnginnissaa nassatarissavaa.

§ 7. Angusimasanik ilinniarnermut allamut ilaannakortumik nuussinerup ilinniartup fagimi taassumaluunniit ilaani atuartitsinermk tamarmiusumik peqataannginnissaa nassatarissavaa.

Taamaakkaluartoq ilinniartup fagi naammassisavaa, tamanna pillugu malittarisassat naapertorligit. Taamaattorli fagimi piukkunnassutsimut inaarutaasumik karakteereqalernissamut tunngavissaanngitsunik angusimasanik ilinniarnermut allamut nuussisoqarpat ilinniartoq fagimi tamatigut misilitsittassaaq.

Piffisanut soraarummeerfiusussanut Naalakkersuisut aalajangersagaannut tunngatillugu tamanna ajornanngippat rektorip fagimi misilitsinnissaq siuartissinnaavaa.

§ 8. Taarsiissutitut angusimasanik ilinniarnermut allamut nuussinerup ilinniartup fagimi atuartitsinermut tamarmiusumut fagimillu naammassinninnissamut peqataannginnissaa nassatarissavaa. Ilinniartup fagimik pineqartumik qaffasinnerusumik nangitsinissamut periarfissai rektorip killilersorsinnaavaa.

§ 9. Piukkunnassutsimut karakteereqalerfiusumik fagimik naammassinninnissamut misilitsinnerusinnaasumullu peqataannginnissami ilinniartup fagimi taamatulli qaffasitsigisumik qaffasinnerusumilluunniit misilitsereersimanissaa allatulluunniit ilinniarnerntuunngorniarfimmi fagimik naammassinnissimanissaa piumasaqaataavoq, tamanna pillugu malittarisassat naapertorligit.

§ 10. Ilanniartut atuartitsinermut peqataanngiffiusussamik angusimasanik ilinniarnermut allamut nuussisimasut atuartitsinermut pineqartumut peqataasinnaatitaangillat.

§ 11. Ilanniartut fagimi piukkunnassutsimut inaarutaasumik karakteereqalerlernissamut misilitsissinnaanermulluunniit peqataanngiffiusussamik angusimasanik ilinniarnermut allamut nuussisimasut ilinniakkap ilaatum fagimik aallaqqataanit naammassinnissaanngillat.

§ 12. Ilinniartoq angusimasanik ilinniarnermut allamut nuussisimasoq ilinniarnermerttuunngorniarfimmit sivikinnerusumik faginilluunniit amerlanerusunik imalimmik immikkut ingerlataqarnissamik, aamma ilinniarniakkamik ilinniartup malitaanik rektorimit neqeroorfingineqarsinnaavoq.

§ 13. Angusimasanik ilinniarnermut allamut nuussiviusumik ingerlataqarnissaq aallaavittut nutaanngilisoorsinnaanngilaq.

Imm. 2. Ingerlatarl ukiut tallimat sinnerlugit qaangiutereerernerini naammassineqarsimasoq nutaanngilisimanersoq rektorip aalajangiiffigisinnaavaa.

Angusimasanik ilinniarnermut allamut nuussinissaq pillugu siumut neriorsuineq

§ 14. Ilinniartunut ilinniarnermerttuunngorniarnermik ilaani Danmarkimi nunaniluunniit allani ingerlatserusuttunut angusimasanik ilinniarnermut allamut nuussinissaq pillugu Naalakkersuisut rektorimit tamanna pillugu inassuteqartoqarneratigut siumut neriorsuisinnaapput.

Imm. 2. Siumut neriorsuisoqarneratigut ukioq ataaseq angullugu atuartitsinermut peqataanngitsoortoqarsinnaavoq piffissamilu pineqartumi fagimik ataatsimik arlalinnilluunniit naammassinninnissamut peqataanngitsoortoqarsinnaalluni.

§ 15. Angusimasanik ilinniarnermut allamut nuussinissamik siumut neriorsuisoqarnissaanik aalajangiisoqartinnagu Naalakkersuisut suliatigut tunngaveqarlutik Danmarkimi nunamiluunniit allami pilersaarutaasutut ilinniarnissaq, tassunga ilanngullugit fagit tulleriinneri, fagip qaffasissusia, ilikkagassatut anguniakkat ilinniartitaanermiluunniit Danmarkimi nunamiluunniit allami pisumi qitiusumik imarisaasut akuerissavaat.

§ 16. Ilinniartup piffissami fagimi ataatsimi arlalinniluunniit qarasaasiakkut atuartitsinermik naammassinninnissaa angusimasanik ilinniarnermut allamut nuussinissaq pillugu siumut neriorsuinissamik aalajangiiniarnermi piumasaqaatigineqarsinnaavoq.

§ 17. Angusimasanik nuussinissamik siumut neriorsuineq pituttuisuovoq, ilinniartup atuartitsinerup angusimasanik nuussinissaq pillugu siumut neriorsuinermut tunngaviusup ilaani pingaarutilimmi peqataanngitsoorsimanera eqqaassanngikkaanni.

Atuartitsinermut allatum peqataannginneq.

§ 18. Ilinniartoq ilinniarnermerttuunngorniarfimmut allamut ilinniakkamulluunniit allamut nuuppat sulianullu tunngasut pissutaallutik ilinniartup faginik toqqakkatut qaffassisusilinnik nangitsinissaa ajornarpat, rektorip ilinniartoq fagini piukkunnassutsimut karakteereqalerfiusuni misilitsiffiusinnaasunilu fagimi ataatsimi arlalinniluunniit atuartitsinermut, kiisalu fagimik naammassinninnissamut peqataatinngissinnaavaa.

Imm. 2. Ilinniartup ilinniarnermerttuunngorniarfimmut allamut ilinniakkamulluunniit allamut nuunnera tunuliaqutaralugu peqataannginnissamut piumasaqaataavoq ilinniartup fagini allani atuartitsinermut ilinniartup peqataanngiffigisaanut naapertuuttumik annertussusilimmik qaffassisusilimmillu atuartitsinermut peqataasarnissaa naammassinninnissaalu.

§ 19. Ilanniartup fagimik pineqartumik atuarfimmi allami ingerlatsillunilu naammassinninnissaa rektorip akuerisimappagu rektorip tamatumunnga peqatigitillugu ilanniartup fagimi atuartitsinermut, kiisalu piukkunnassutsimut inaarutaasumik karaktereinnalluni fagimik naammassinninnissamut misilitsinnerusinnaasumullu peqataatinngissinnaavaa.

*Soraarummeersimanermut uppernarsaammi angusimasanik ilinnarnermut allamut nuussisimanermik
nalunaarneq*

§ 20. Ilanniartoq fagimik naammassinninnissamut peqataanngissutaasumik angusimasaminik ilinniarnermut allamut nuussisimappat ilanniartup soraarummeersimanermut uppernarsaataani tamanna pillugu paasisitsisoqassaqq.

§ 21. Fagimi, angusimasanik ilinniarnermut allamut nuussinissamut tunngavigineqartumi suliassami, casemi, imaluunniit oqaluttariarsornikkut allattariarsornikkulluunniit misilitsinnermi inaarutaasumik misilitsinnermi karaktererisinnaasat ilanniartup soraarummeersimanermut uppernarsaataanut nuunneqassapput misilitsinnermi karakteritut aamma fagimi pineqartutut qaffassisusilimmi misilitsinnermi karakteritut.

§ 22. Piukkunnassutsimut inaarutaasumik karakterit taamatulluunniit karakterit ilanniartup fagimi angusimasanik ilinniarnermut allamut nuussinermut tunngavigineqartumi inaarutaasumik piukkunnassutsimik naliliiviusut ilanniartup soraarummeersimanermut uppernarsaataanut nuunneqassapput, piukkunnassutsimut inaarutaasumik karakteritut aamma fagimi pineqartutut qaffassisusilimmi piukkunnassutsimut inaarutaasumik karakteritut.

§ 23. Fagi angusimasanik ilinniarnermut allamut nuussinermut tunngavigineqartoq, ilinniarnerntuunngorniarfiit pillugit malittarisassat naapertorlugit karakterinik ilanniartup soraarummeersimanermut uppernarsaataanut nalunaarneqartussanut ilaqaangippat tamatumunnga taarsiullugu soraarummeersimanermut uppernarsaat karakterinik nuussiviunngitsumik angusimasanik ilinniarnermut allamut nuussisoqarsimaneranik oqaaseqaatalernejqassaaq.

§ 24. Fagi, angusimasanik ilinniarnermut allamut nuussinermut tunngavigineqartoq ilinniarnerntuunngorniarfiit pillugit malittarisassat naapertorlugit ilanniartup soraarummeersimanermut uppernarsaataani allanneqartussanit amerlanerusunik karaktereqarfiuppat tamatumunnga taarsiullugu soraarummeersimanermut uppernarsaatit karakterit fagimit angusimasanik ilinniarnermut allamut nuussinermut tunngavigineqartumit pisut agguaqatigiissinneri allanneqassapput. Agguaqatigiissitat akunnaallisaasarneq pillugu nalinginnaasumik malittarisassat ilinniarnerntuunngorniarfinni naliliisarneq uppernarsaasiisarnerlu pillugit Namminersorlutik Oqartussat nalunaarutaanni aalajangersarneqartut naapertorlugit akunnaallisaarnejqassapput.

§ 25. Taariisuteqarnikkut angusimasanik ilinniarnermut allamut nuussisarneq pillugu malittarisassat naapertorlugit angusimasanik ilinniarnermut allamut nuussisoqarsimappat ilanniartup soraarummeersimanermut uppernarsaataa tamanna, kiisalu fagip angusimasanik ilinniarnermut allamut nuussinermut tunngaviusup aqqa pillugu oqaaseqaatalernejqassaaq.

§ 26. Ilinniakkant ingerlaqqiffiusunit faginit karakterinik nuussisoqarsinnaanngilaq.

§ 27. Karakteerit ECTS-skala aqutigalugu karakterinut ilinniarnerntuunngorniarfiit pillugit malittarisassat naapertorlugit tunniunneqartartunut allanngortinneqarsinnaappata aatsaat nunani allani ilinniarnerntuunngorniarfinit karakterinik nuussisoqarsinnaavoq.

§ 28. Fagini angusimasanik ilinniarnermut allamut nuussissutaasinhaasuni misilitsinnerit misilitsinnerni ilinniarneretuunngorniarfirmi naliliisarneq pillugu malittarisassani piumasaqaataasuni amerlassutsinut taamaallaat atuutissapput ilinniartoq holdinut atuarfigisaminut misilitsissutissatut makitsinerup kingorna misilitsittussaasimagaluarpat.

Naammagittaalliortarneq pillugu aalajangersakkat

§ 29. Ilinniartoq imaluunniit ilinniartoq angajoqqaatut oqartussaaffigineqarpat, angajoqqaatut oqartussaasut nalunaarut manna naapertorlugu rektorip aalajangiineranik, aalajangiinerup nalunaarutigineqarneranit sapaatit akunneri marluk qaangiutsinnagit Naalakkersuisunut inarutaasumik aalajangiisussanut naammagittaalliuuteqarsinnaapput.

Imm. 2. Naammagittaalliuut tunngavilersorneqarsimassaaq.

Imm. 3. Naammagittaalliuut allaganngorlugu ilinniarneretuunngorniarfiup rektorianut tunniunneqassaaq taassumalu nammineq suliamut oqaaseqaasiaani ilanggulligit Naalakkersuisunut ingerlateqqissavai.

Suliap ingerlateqqinnejnginnerani ilinniarneretuunngorniarfiup pisortaata naammagittaalliuuteqartoq oqaaseqaatigineqartumut oqaaseqarnissaanut sapaatit akunneranik ataatsimik piffissalerlugu periarfississavaa. Naammagittaalliuuteqartup oqaaseqaatigisinnaasai ilanggulligit Naalakkersuisunut nassiunneqassapput.

Atuutilersitsineq

§ 30. Nalunaarut atuutilissaaq 1. maj 2015-imi.

Namminersorlutik Oqartussat, ulloq 14. April 2015

Nivi Olsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut